

19.08.2022թ.

ք. Երևան

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ
ՈՐՈՇՈՒՄ թիվ 498023/09

ՎԱՐՉԱԿԱՆ ԻՐԱՎԱԽԱՆՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա. Մնացականյանս, քննելով վարչական իրավախախտման վերաբերյալ թիվ 29832 գործը և ուսումնասիրելով վարչական իրավախախտման վերաբերյալ 15.08.2022 թվականի թիվ արձանագրությունը,

ՊԱՐԶԵՑԻ

Անհատ ձեռնարկատեր Արծրունի Սեդրակյանը (ՀՎՀՀ՝ 47772008, Արարատի մարզ, Արտաշատ, Խանջյան փող. 17) համաձայն ՀՀ Կայստանի Հանրապետության և Եվրասիական տնտեսական միության անդամ պետությունների միջև անուղղակի հարկերի հաշվարկման և վճարման առանձնահատկությունների մասին>> ՀՀ օրենքի 8-րդ հոդվածի՝ սահմանված ժամկետում հարկային մարմին չի ներկայացրել 13.05.2022թ. կատարված ներմուծման վերաբերյալ ներմուծման հայտարարությունը, որի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 169՝ հոդվածի 2-րդ մասով:

Կողմին հայտնաբերելու նպատակով ձեռնարկվել են համապատասխան միջոցառումներ: Գործում առարկություն կամ բացատրություն առկա չէ:

ՀՀ ՊԵԿ տեղեկատվական համակարգում առկա տվյալների ուսումնասիրության արդյունքում պարզ է դարձել, որ Արծրունի Սեդրակյանի կողմից ներմուծման հարկային հայտարարագիրը ներկայացվել է օրենքով սահմանված ժամկետում՝ 20.06.2022թ.-ին և առաջացած հարկի գումարը վճարվել է 28.07.2022 թվականին, իսկ ներմուծման հայտարարությունը ներկայացվել է օրենքով սահմանված ժամկետից ուշ՝ 14.07.2022թ.-ին:

Ելնելով վերոգրյալից և նկատի ունենալով, որ Արծրունի Սեդրակյանի կողմից ներմուծման վերաբերյալ ներմուծման հայտարարությունը 19.08.2022 թվականի դրությամբ արդեն իսկ ներկայացվել է, ինչպես նաև ներմուծման հայտարարությունից հարկի գումար չի առաջանում, իրավախախտումն ունի նվազ նշանակություն, ուստի ղեկավարվելով վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 21-րդ հոդվածով, 244², 281 հոդվածներով և 282 հոդվածի 1-ին մասի 2-րդ կետով՝

ՈՐՈՇԵՑԻ

1. Արծրունի Սեդրակյանին ազատել վարչական պատասխանատվությունից և հայտարարել բանավոր դիտողություն:

2. Արծրունի Սեդրակյանի վերաբերյալ հարուցված թիվ _____ վարչական վարույթը կարճել:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

Ա.ՄՆԱՑԱԿԱՆՅԱՆ

Ծանոթություն. Վարչական իրավախախտումների վերաբերյալ ՀՀ օրենսգրքի համաձայն

Վարչական տույժ նշանակելը վարչական իրավախախտում կատարած անձին չի ազատում այն պարտականության կատարումից, որը չկատարելու համար նշանակվել էր վարչական տույժ (հոդված 40)

Վարչական իրավախախտման վերաբերյալ գործի որոշման դեմ գանգատ կարող է տրվել որոշումն հանձնելուց հետո երեսուն օրվա ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել գանգատը քննելու համար իրավագործ մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 282)